

古事類苑

方技部十八

疾病四

蟲病

〔醫心方七〕治九虫方第十六

病源論云。九虫者。一曰伏虫。狀長四分。二曰蛔虫。長一尺。三曰白虫。長一寸。四曰肉虫。狀如爛李。五曰肺虫。狀如蠶。六曰胃虫。狀如蝦蟇。七曰弱虫。狀如瓜瓣ヲネ。八曰赤虫。狀如生肉。九曰蟻虫。至細微。形如菜虫。此諸虫。依腸胃之間。若府藏氣實。則不為害。若虛。則能侵食。隨其虫之動。而變成諸病。略中

治三虫方第十七

病源論云。三虫者。長虫。赤虫。蟻虫也。猶是九虫之數也。長虫。蛔虫也。長一尺。動則吐。清水出。心痛貫之。則死。赤虫。狀如生肉。動則腸鳴。噤虫。至細微。形如菜虫也。居胸腸間。多則為痔。劇則為癩。因人瘡處。以生。諸癰疽癰瘻。疥癬。虫無所不為。

〔一本堂行餘醫言四〕蟲

夫蟲之生也。未有不皆因溼鬱幽滯而蒸熱也。蓋人之元氣健運。強行。無少鬱滯。則蒸熱何因而生。蒸熱不生。則元氣清爽。平快。固無病患。而今也。元氣纔少。溼鬱幽滯。則蒸熱乃生。蒸熱已生。則諸患隨起。蟲亦生焉。但蟲者。熱之微。亦不生。熱之甚。亦不生。其熱之蒸々而鬱。而不通暢。則元氣壅遏。蟲於焉生。生則不堪。在內而必出。在胃則吐出。在腸則下出。少者一二條。多者十餘條。甚者至數十條。有頻生而頻出者。有數日而生而出者。有日々生而日々出者。其證多端。不可窮盡。間有內生而不出者。如此者。其害匪輕。